



Vaksdal kommune

Sekretariat for kontrollutvalet

Vår referanse 2019/91-33

Dato 28.05.2021

Kommunestyret i Vaksdal kommune

Partsbrev - Årsrekneskap og årsmelding 2020 for Vaksdal kommunale Arbeids- og opplæringscenter KF - Uttale frå kontrollutvalet

Vedlagt følger uttale frå kontrollutvalet i sak PS 20/21 «Årsrekneskap og årsmelding 2020 for Vaksdal kommunale Arbeids- og opplæringscenter KF - Uttale frå kontrollutvalet» som vart behandla i møte i kontrollutvalet i Vaksdal kommune 26.05.21.

Påskrift frå sekretariatet:

Uttalen frå kontrollutvalet skal følgje sak førebudd av kommunedirektør til formannskapet 01.06.21 vidare til kommunestyret 15.06.21.

Med helsing

Hogne Haktorson
kontrollsjef

Einar Kåre Ulla
seniorrådgjevar

Brevet er elektronisk godkjent og har difor inga handskriven underskrift

Kopi til:
Formannskapet
Ordførar
Kommunedirektør
Leiar i kontrollutvalet
Styreleiar AO-senteret
Dagleg leiar i AO-senteret
Deloitte AS



Vaksdal kommune

Sekretariat for kontrollutvalet
Saksframlegg

Saksnr: 2019/91-29
Saksbehandlar: Einar Kåre Ulla

Saksgang

Utval	Utv.saksnr.	Møtedato
Kontrollutvalet i Vaksdal kommune	20/21	26.05.2021

Årsrekneskap og årsmelding 2020 for Vaksdal kommunale Arbeids- og opplæringscenter KF - Uttale frå kontrollutvalet**Forslag til uttale**

1. Kontrollutvalet registrerer at Vaksdal Kommunale Arbeids- og Opplæringscenter KF i 2020 hadde eit netto driftsresultat på kr. 186 084, som svarar til 3,89 % av inntektene.
2. Videre registrerer kontrollutvalet at disposisjonsfondet er på 30,3 %, godt over tilrådinga til Riksrevisjonen.
3. Kontrollutvalet støttar seg elles til Deloitte sin uttale om den økonomiske situasjonen for Vaksdal Kommunale Arbeids- og Opplæringscenter KF for året 2020, og har ikkje øvrige merknader til denne.
4. Uttalen vert send til kommunestyret via formannskapet.

Saksprotokoll 26.05.2021 - Kontrollutvalet i Vaksdal kommune**Handsaming i møte**

Dagleg leiar orienterte om AO-senteret komplettert med informasjon frå revisor.

Forslag til uttale vart samrøystes vedteke.

Uttale

1. Kontrollutvalet registrerer at Vaksdal Kommunale Arbeids- og Opplæringscenter KF i 2020 hadde eit netto driftsresultat på kr. 186 084, som svarar til 3,89 % av inntektene.
2. Videre registrerer kontrollutvalet at disposisjonsfondet er på 30,3 %, godt over tilrådinga til Riksrevisjonen.
3. Kontrollutvalet støttar seg elles til Deloitte sin uttale om den økonomiske situasjonen for Vaksdal Kommunale Arbeids- og Opplæringscenter KF for året 2020, og har ikkje øvrige merknader til denne.
4. Uttalen vert send til kommunestyret via formannskapet.

Samandrag

Føremålet med denne saka er at kontrollutvalet skal gje sin uttale til årsrekneskapen for 2020 for Vaksdal Kommunale Arbeids- og Opplæringssenter KF. Uttalen skal følgje saka vidare til kommunestyret via formannskapet.

Hogne Haktorson
Kontrollsjef

Einar Kåre Ulla
seniorrådgjevar

Saksframlegget er godkjent elektronisk og har difor inga handskriven underskrift

Vedlegg

- 1 Rekneskap 2020 AOS signert
- 2 Årsmelding 2020 AOS signert
- 3 Revisjonsmelding 2020 AOS signert

Saksutgreiing

Bakgrunn for saka

Kontrollutvalet i Vaksdal kommune skal i møte 26.05.2021, behandle utvalet sin uttale til Vaksdal kommunale Arbeids- og opplæringscenter KF sin årsrekneskap og årsmelding for 2020.

Representantar for administrasjonen og ansvarleg revisor er invitert til møtet for å presentere årsrekneskapen og svare på spørsmål.

Det er kommunestyret sitt ansvar å forvalte kommunen sin økonomi, herunder vedta årsrekneskap og årsmelding, jf. kommunelova § 14-2. Det er vidare kommunestyret sitt ansvar å påsjå at økonomiforvaltninga skjer i tråd med lov, forskrift og eigne føresegner. Kommunestyret sitt ansvar for forvaltninga av den økonomiske internkontrollen og økonomiforvaltninga er forsterka gjennom ny kommunelov, jf. mellom anna kommunelova §§ 14-1 og 25-1 og 2.

Føremålet med uttalen er at kommunestyret skal få oppsummerande og samla informasjon om at det gjennom året er gjennomført uavhengig kontroll med at krava til årsrekneskap og årsmelding er ivareteke i tråd med lov, forskrift og eigne føresetnader. jf. kommunelova §§ 14-6 b)

Det er så formannskapet som innstiller overfor kommunestyret, i saka om rekneskapen. Årsrekneskapen for Vaksdal kommunale Arbeids- og opplæringscenter KF er å sjå på som ein del av årsrekneskapen for Vaksdal kommune. Rekneskapen for Vaksdal kommunale Arbeids- og opplæringscenter KF bør derfor behandlast før kommunerekneskapen blir behandla, men gjerne i same møte.

Vedtakskompetanse

Kontrollutvalet har vedtakskompetanse til å gje uttale til kommunestyret om årsrekneskapen og årsberetninga, jf. forskrift om kontrollutval og revisjon § 3.

Vurderingar og verknader

Grunnlaget for uttalen er dokument og behandlingar som ligg til grunn for utarbeiding av denne saka, slik som:

- Avlagt årsrekneskap, mottatt 10.05.2021, vedlegg 1
- Årsmelding, mottatt 10.05.2021, vedlegg 2
- Revisjonsmelding, datert 09.04.2021, vedlegg 3

Revisjonsmeldinga frå Deloitte:

Kommunen sin revisor, Deloitte, har lagt fram ei rein revisjonsmelding, der det er teke med at rekneskapen viser eit positivt driftsresultat på kr. 186 084.

Vurdering av rekneskapen

Av rekneskapen for 2020 har sekretariatet merka seg sum driftsinntekter på kr. 4 782 962 og positivt netto driftsresultat på kr. 186 084. Det gjev eit driftsresultat på 3,89 % (Satt opp mot sum driftsinntekter). Heile kommunesektoren hadde i følgje opplysningar frå SSB til samanlikning netto resultatgrad på 2,5 prosent i 2020. Teknisk beregningsutvalg for kommunal og fylkeskommunal økonomi (TBU) tilrår at ein over tid bør ha netto resultatgrad på 1,75 prosent for å ha ei forsvarleg økonomisk drift. For Vaksdal kommunale Arbeids- og opplæringscenter KF var netto resultatgrad i 2016 (4,53 %), 2017 (10,26 %), 2018 (5,42 %), 2019 (- 0,52 %) og 2020 (3,89 %). Sjølv om slik resultatgrad gjeld kommunen samla sett, skadar det ikkje å skue til korleis situasjonen tilsvarande er for Vaksdal kommunale Arbeids- og opplæringscenter KF. Vi ser av dette at Vaksdal kommunale Arbeids- og opplæringscenter KF i 2020 ligg over både resultatet i heile kommunesektoren og tilrådinga til TBU.

Netto driftsresultat viser kva ein har igjen etter at alle driftsutgifter, inklusive renter og avdrag er dekket. Driftsresultatet påverkar i stor grad føretaket sin handlefridom og evne til å tole svingingar i økonomien.

Riksrevisjonen la 16.02.2015 fram Dokument 3:5 (2014 – 2015) «Riksrevisjonens undersøkelse av kommunenes låneopptak og gjeldsbelastning». Her er det undersøkt sammenhengen mellom høg lånegjeld, sum driftsinntekter og disposisjonsfond. Riksrevisjonen rår til at kommunane ikkje bør ha meir enn 75 % av driftsinntektene i lånegjeld. Vaksdal kommunale Arbeids- og opplæringscenter KF har i dag ikkje langsiktig lånegjeld.

Ved å nytte Riksrevisjonen si tilnærming når det gjeld disposisjonsfond kjem ein fram til at Vaksdal kommunale Arbeids- og opplæringscenter KF har disposisjonsfond tilsvarande 30,3 % av sum driftsinntekter, altså godt over tilrådingane frå Riksrevisjonen. Riksrevisjonen tilrår her minst 5 %. Vaksdal kommunale Arbeids- og opplæringscenter har på bakgrunn av dette eit tilfredsstillande driftsresultat og disposisjonsfond for 2020 sett opp mot Riksrevisjonen si tilråding. Det blir tilrådd at kontrollutvalet fokuserer på dette i sin uttale.

Sekretariatet merka seg mellom anna følgjande frå styret si årsmelding når det gjeld satsinga framover og oppretting av dagsenter for utviklingshemma:

AO senteret KF har i 2020 jobba vidare med saka i samarbeid med Vaksdal kommune. Vinteren 2020 blei arbeidet med nytt dagsenter på begynt i Elvevegen. Målet er at eit nytt dagsenter er på plass i løpet av 2021 og at Vaksdal Kommune vil overta drifta av det nye dagsenteret.

Kontrollutvalet har som oppgåve å gje uttale til Vaksdal kommunale arbeids- og opplæringscenter sin årsrekneskap. Uttalen vert gjeve med bakgrunn i framlagd årsrekneskap og årsmelding frå styret og revisjonsmelding frå Deloitte. Kontrollutvalet tek sjølv stilling til kva forhold som skal omtalast i uttalen. Det vil vera naturleg å ta med spesielle forhold som blir omtala i revisjonsmeldinga og eventuelle revisjonsrapportar og nummererte brev. Uttalen skal sendast til kommunestyret, med kopi til formannskapet.

Konklusjon

Vaksdal kommunale Arbeids- og opplæringscenter KF har i 2020 tilfredsstillande driftsresultat og disposisjonsfond som er i tråd med tilrådingane frå Riksrevisjonen.

Det blir derfor rådd til at kontrollutvalet denne gangen omtaler følgjande i uttalen om Vaksdal kommunale Arbeids- og opplæringscenter KF sin årsregnskap for 2020:

- Netto driftsresultat på kr. 186 084, som svarar til 3,89 % av driftsinntektene
- Disposisjonsfond på 30,3 %

Kontrollutvalet sin uttale og revisjonsmeldinga er to sjølvstendige dokument, som skal følgje saka vidare via formannskapet til kommunestyret.